

## Междометиенің тузалары хоостыра пөліктері

кізінің көңні

хырызыныс

кізінің көңнін көдірері (көөктірері),  
хығыртығ, күстег

өрініс  
таңнас  
хайхас, чапсыс  
тарыныс  
ағырсыныс  
хорғыс  
хорыхханы  
хомайлааны  
пыролас  
хомзыныс  
ачырғас  
тідініс  
тідінмеені  
күлкі-пазы, хатхы-күлкі  
өзі ханғаны  
махтағ  
чөпсініс  
чөпсінмеені  
чаратханы  
маңзыт, маңзырас  
оңдай-пазы чоғы  
суум-саам  
чобалғаны  
көңні толғаны  
көңні түскені, түйүлгені  
ниик-саах пол парғаны, нииктелгені  
үрүгіс  
сағыссырас, чүрексініс  
пичелленіс  
хырт көргені, пу харахнаң көрбеені  
өкпеленіс  
хыңаныс  
чіксініс  
ан.п.

### Кізінің көңнін чарытчатхан междометиелер:

aa — тідіністі, өріністі, таңнасты, хайхасты, ачырғасты, тарынысты, күлкі-пазын (хатхы-күлкіні), өзі ханғанын, хорғысты, ағырсынысты, ан.п.: А-а, іди

тізең, - тіп, Маня чіде халған (ИТ, МӦ); **А-а**, Икентай тайың, - өрін парған Оралдай, - изен, изен, ирт столзар (ИТ, МӦ); **А-а**, пірсі, ханаттарынаң сабын полбин, чирзер түс килир (ГК, АХ, Т); «**А-а**, пу улуғ ічемни полар» - істінде ипчі сағын салған (ГК, АХ, Т); - **А-а**, кирип парды тіпчезің ме?» - хысхырча ипчізі. - Тырысхатарым көңніңе кірбинче? (ИТ, МӦ);

**ай!** - хорғысты, ағырсынысты, түүлгенін (көңні түскені), хомайлаанын, пыроласты, хомзынысты, ачырғасты, хайхасты искірче:

- **А-а-ай!** Хара айнаның... Сағартхы, ээйлер! Чоон сағартхы! Хандаладан даа чоон! - аахти түскен пір ипчі. - Ачыда ызырды... (НД, ЫА);

**ай//ай-да** — таңнасты, махтағны, чөпсіністі, чаратханын искірче: - **Ай-да**, кнес. Хамға киртінче, - поэна сөлеен Огарков (НД, ЫА); **Ай-да**, Сеерге. Ол тайға пирігінде пос хус чіли чуртир (НД, ЫА);

**ай-уй** — маңзытты, ондай-пазы чоғын, суум-саамны искірче: Чобат чохтада нызырт тур халған, сарығ тозын күнні пүргектелдірген, табыстар «**уй, ай**» ла чайғаннар (НД, ЫА);

**ах!//ак!** - ачырғасты, хомзынысты, хайхасты, чапсысты искірче: Анаң кинетін пазын тудынып, «**Ах!**» тіп хысхырыбысхан. **Ах**, хайдағ сіліг чахайах! - хысхыра түсті хызычах. **Ах**, алчаастап салтырбын.

**ак-кай!** - хомзынысты, ачырғасты искірче: «**Ак-кай**, хаарғанның өскізі», - ачырғанча ол.

**о!** - өріністі, хайхасты, чапсысты, таңнасты, чобағны, көңні түскенін, хорғысты искірче: - **О-о**, амох... - өрін парып, мылтиим хаптым (ГК, АХ, Т).- **О-о!** Хайдағ ап-арығ суғ! (АХ, А). **О-о**, сірер пай чуртапчазар ба хайдағ (ВШ, СС). - **О-о**, пу даа чааны... (ГК, АХ, Т). **О-о**, Артай, син-де чуртас ирткен кізі хайди кічіг олған улыбыстың? (ГК, АХ, Т).

«**йо!**» - ағырсынысты, чобалғанын, таңнасты, ачырғасты, хорғысты, үрүгіс, чөпсінминчеткенін искірче: **Йо**, палам, **йо**, Сабизім, - ойлап парған апсах (НД, ЫА). **Йо**, **худай**. Чачахтығ осхас, - тутхлаан соонаң нахлана халған иней. - Аарлығ полар? (АХ, А) Митяй ахыннабиинаң чүгүр килтір, **йо**, Марус, тидір, клубты Пубах иней тооза даа чууп парир (ГК, АХ, Т). **Йо**, **худай**, крек сағаа (ГК,

АХ, Т). **Йо**, хортыхсым мин андаг нимеден (ГК, АХ, Т). **Йо-йо**, Апағым, ноға тастадың, Апағым (ГК, АХ, Т). - **Йо**, кемдір пу? Кемдір? (ИК, ЧХ).

**Ой!** -таңнасты, хайхасты, хорғысты, көңні толғаның, өріністі искірче: **Ой**, Артай, хайдаң алғазың? (ГК, АХ, Т). **Ой**, хайдаг сіліг тағлар! (ВШ, СС). **Ой**, хайдаг чахсы полар (ВШ, СС). **Ой**, Онис, позың мойнына чоохтан саларзың син, - хычаныстығ үннең тапсап салған Хапыңның ипчізі. - Син не араласпас нима чоғыл (НД, ЫА). - **Ой**, хураған хузуриина хынадырбын, - ахсына тастапча, үзі ахсынаң сірлепче (НД, ЫА).

**ох!//ок!** - көнні толғаның, өріністі, хомзынысты, махтағны искірче: - **Ок**, хайдаг чахсы! - тапсабызып, Хыспин ыстығ харахтарын чаабысхан (АХ, А). **Ок**, күлүк хыс полтыр, а, - махтапчалар кізілер (ИТ, МӨ).

**пок!//пой!** (диал. *поч*) — өріністі, ачырғасты, көңні түскені, ниик-саах полғаның, таңнасты, үрүгісті, сағыссырасты искірче: - **По-ой!** Акай, үр-үр полбадың-а төреен чирінде. Хайди іди ундудар пос чирін? - пөктіре халча (АХ, А). - **Пок!** - теен ол, - түрче ле учурабаан ползабыс, пу хайаны азып, суға кір парарчых (ИК, ЧХ). **Поч**, пеер, сайзар, палам! - хысхырып, апсах сах андох суғ хазында турғлаан хармах саптарын хыйа тастағлаан (ИК, ЧХ). **Поч**, палам, чуртас ана андаг пөзік, пирик, чікім хайа полчаң (ИК, ЧХ).

**тпук//тпок//тьфу** — хорғысты, хырт көргенін, хомайлааның, пу харахнан көрбеенін, тарынғаның, өкпеленгенін, ачырғасты искірче: **Т-пук**. Тамах үртүнде сүүлепче. Мин аны таңах көліп алып тартарым ма? (ВШ, СС). У-у, алында іди оғырлап тапханы улуғ крекке саналчаң, че Чамак парасханға «**тпок**» таа тир кізі табылбаан (ГК, АХ, Т). **Тпук, тпук**, харасхыланыбысса, хара сағыстар кірібісчеткені пу полбас па за, - түкүрінче иней, позының хортых арағын пілінмин (ГК, АХ, Т).

**у//уй** (сөөде тартылып адалча) — хорғысты, хычанысты, таңнасты, сағыссырасты искірче: **У-у-у**, кічіг палалар хайдаг хынығ улус, - парасхан Онис көдіріл килген, сағыссырасха чүреен позы үтерткен (АХ, А). - **У-у**, оларны сүріс чөрерге? - Паськаның көңні сах андох түс парыбысхан. - Мин луче оғырлап аларым (ИТ, МӨ). **У-у**, Мохнай, син алыныбыстың ма? - үрүкче Сор (ГК, АХ,

Т).

э! - хайхасты, чапсысты, ачырғасты, оңарыл полбинчатханын искірче:

Э-э, Пикенович, төреен күн чылда пір хати поладыр (ВШ, СС).

халах! - ачырғасты, чобалысты, хорғысты, таңнасты, үрүгісті искірче: О, **халах**, пу чи нимедір?! (АС, АХЧ).

Олох тузада **халағай** междометие тузаланылча. Өөніңде ипчилер тузаланчалар: Йо-о-о, **халағай**, обал кірді ноо, - иней кірөстенминен хазаазар алдыра чылбыри ла халған, че тадар көгенеенің илбек идеене пазыбызып, иркін азыра сүүлінібіскен (ГК, АХ, Т).

худайымай (худай+ым+ай) – таңнасты, хомзынысты, хорғысты искірче: - О, **худайым**. Ханча тус, палам. Хая холың, - ах-тик пол парып, минің саримзар холын сунча (АХ, А). Йо, **худайымай**, түне хайди тың ағырдым. Йо, **худай**, - чочып парды үрекен (ИТ, МӨ).

татай! - уғаа тың чіксінгенін, хорыхханын, пірееде хырт көргенін искірче: - О-о, **татай**, хайдағ пөзік тағдыр! - Галя пазох сілігін салған (ИК, ЧХ). Ипчилер «йо-о, эйлер. **Татай**, эйлер», - тісметкеннер (ЕД, ЫА).

хури-хури, алас-алас междометиелер хамнапчатхан туста тузаланылчалар: - **Хури-хури, алас-алас!** - үрбеңнезе түскеннер инейлер, апсахтар, че палалар сырлаза түскеннер, іцелеріне чапсынып (НД, ЫА).

## Идер тоғыстар

### 1. Мультфильмнің кічичек үзігін көріп, междометиелерні табарға кирек.

Хозан:- Чох, чох, сірерге чоохтирге иткем, мағаа позымға парарға кирек.

Аба: - Че, чохсы, андада піс парирбыс. Анымчох!

Хозан: - Чолларың ачых ползын!

Аба: - Хазых улыңар!

Хозан: - Сірер дее хазых улыңар!

Аба: - Анымчохтар!

Сосхачах: - Я, алғыс, улуғ алғыс!

Хозан: - Кір турыңар. -

Аба: - Піс парипс. Ой, ой-ой, йо, йо-йо, йо-йо-йо, йо-йо, мин мындэ... мин

мындэ хыстын марғам. Йо-йо-йо-йо, йо-йо-йо, йо-йо, нандыра, нандыра. Чох, алнынзар, алнынзар, алнынзар. Нандыра, нандыра. Йо, йо-йо-йо, полызыңар, полызыңар, полызыңар! Ау-ау-ау-ау, ау-ау-ау.

Сосхачах: - Абачах! Абачах!

Аба: - Йо-йо, йо-йо, полыс пиріңер!

Сосхачах: - Абачах!

Аба: - Йо-йо.

Хозан: - Хайди пол пардың?

Аба: - Хыстыл пардым мындэ!

Хозан: Хыстыл пардың мэ?

Аба: Чох, мин іди тынанчам.

Хозан: Хайа, холларың пирдек! Тарт, сосхачах!

Сосхачах: Я.

Аба: Йо, йо-йо-йо, тың тартчазар!

Хозан: Пілдістіг, ол хыстыл парды.

Аба: Прай ниме іскечек ісіктердең үчүн.

Хозан: Чох, прай ниме көп ниме чіпчеткен үчүн полар.

Сосхачах: А ниме идерге?

Хозан: Итчең ниме чоғыл, сахта, хачан ол іскечек пол парар.

Сосхачах: А үр бе іди сахтирға?

Хозан: Пір ай.

Аба: Нинче?

Хозан: Пір ай. Аннаң асхынах киліспес.

Аба: Апчхи!!! Йо, мин ніскереп пардым. Хапчығай мині мынаң сығарыңар. -

Пух ааллап чөргеннең сағын салған «Үр ааллирға чарабас, мындағ уйадыстығ кирекке кірбес үчүн».

Че ниме сағын салған хозанах, пірдеезі пілбинче. Ол най лэ тың хыйға.

## 2. Кибелісті чахсы истіп алыңар. Междометиелерні аданар.

**Йо!** Хайдағ сидік чуртирға,

**ОЛАРНЫ** пілбин!

Чүрегім сіртлепче пазох.

**Эх!** Суларлар мині хатабох!

Че пүүн талаан поларчых!

Пічік хоостыра мин соонда.

**Эх!**

**Ох,** теес минзер чағыннапча.

Сағыпча мині доска.

Піреезі полыс пирзін мағаа.

**Эх!**

**Ох!**

Туных полыбызарға, арса!

Класста чарытхы ус парған полза!

Ух!

Эх!

Ох! Сурбадылар! (Ц. Ангелов)

**1. Чоохтағларны килістіре үннең хығырыңар. Междоме тиелернің тузаларын чарыдыңар.**

1. — Йо, худай, — чочып парды өрекен. (И. Топ.) 2. О-о, хайдағ чиит пол партыр. (И. Топ.) 3. Хе-хе, іди тібіскем мин аны. (И. Топ.) 4. — Эй, ооллар, тохтадыңар тілбірезерге, — пас килген піссер бригадир. (И. Топ.) 5. — А-а, Икентай тайың, — өрін парған оралдай, — изен, изен, ирт столзар. (И. Топ.) 6. Хосханах, син хайдар іди тимеер чул парирзың? — істі көйбіскен одыр пірсінің. (И. Топ.) 7. — Пок, пүүн тың сегіргеніме азахтарым ам даа сыстасча, — теен ортызында пасчатхан ніскечек сынның, чапчаң хылыхтығ, табырах тілліг хыс, Клаша. (И. Кост.)

**2. Пирілген чоохтағларны орта үннең хығырыңар. Междометиелерні адап пириңер. «О» междометие кізінің хайдағ көңнін таныхтапча? Танығларның турғызылғанын чарыдыңар.**

1. О-о, ол айдас ипчічек. Кізі таңағын даа оградазына чағын пастыртпас. (В. Шул.) 2. — О-о, хайди уйаттарын чідірче пу хыстар! (И. Топ.) 3. — О-о, худай, мында полтыр ноо, — табыға даа өрінмин, тапсап салды инейек, анаң пес үстүнзер сыға халған. (Г. Каз.) 4. — О-о, улуғ пастығ полтыр-а, — Кабрис аға пазох тайағына пазырын салған. (Г. Каз.) 5. — О-о, иргі таныс. Изен. Хайдағ тоғазығ, — улуғзырхос үнінең тапсабысты. (Г. Каз.) 6. О-о, пу даа чааны... (Г. Каз.) 7. О-о, пістің Кабриленің чон тарт чөрчең машиназынаң хай-хай артых. (Г. Каз.)

**3. Чоохтағларны килістіре үннең хығырыңар. Междометиелерні таап, оларның тузаларын таныхтаңар. Танығларның турғызылғанын чарыдыңар.**

1. — Тыыссс! Пісті піреезі тыңнапча полар, хынза. (Н. Дом.)
2. — Но-о, хула ат, — позазын тибіреткен оолах. (А. Хал.)
3. — Тыыrrrr! — истілген тасхартын Сағдайның ат тохтатчатхан табызы. (Н. Дом.)
4. — Сыйт, Ах тос, сыйт! Мына! — мунзуриин көзіткен апсах амырапчатхан адай-ға. (И. Кост.)
5. — Сейт, сейт... уйс, уйс, Пілек, — хысхырча хара күрең чүстіг ипчі. (Н. Дом.)
6. — Уйс, у-у-йс, Халтарах! — сөө тарт турған Домна, харахха пір дее ние көрінмезе дее. (Н. Дом.)
7. — Хыыйт, — тіп позыт көрген Сабис сарығ тайны хас чоғар, ікі хулаа ла пістенізе түскен сарығ тайның. (Н. Дом.)
8. — Хосханах! Мин чаада полғам ма? Сурыңар Ироолдаң. (В. Шул.)
9. — Хосханах! Ноо айназы улыбысты пу хааманың? (Н. Дом.)

### Литература

1. Боргояков В.А., Медведева М.А., Кызласова И.Л., Чебодева Л.А. Хакас тілі. Морфология (Пос алынча чоох чардыхтары): үгредіг пособиезі/ В. А. Боргояков, М. А. Медведева и др. – Ағбан: Н. Ф. Катановтың адынаң хакас хазна университетінің издательствозы, 2018.
2. Грамматика хакасского языка [Текст] / Под ред. Баскакова Н.А. – М.: Наука, 1975.
3. Сравнительно-историческая грамматика тюркских языков. Лексика [Текст]. – М., 2001. – С. 692-693.
4. Хакас тілі. Морфология [Текст] / 021700.02 Филология (Хакас тілі паза литература) специальностьча үгренчеткен студенттерге үгредіг пособие / филнд Карповтың В.Г. редакциязынаң – Ағбан: Н.Ф. Катановтың адынаң Хакас хазна университетінің издательствозы, 2004. – С. 38-45.
5. Чебодаева Л.И. Хакас тілінің практикумы. 050302 — Хакас тілі паза литература специальностьча үгренчеткен студенттерге үгредіг пособие / Л. И. Чебодаева, А. Н. Чугунекова, М. Л. Тахтаракова; филнк. Л.И. Чебодаеваның редакциязынаң. - Ағбан: Н.Ф. Катановтың адынаң хакас хазна университетінің изд-возы, 2009. - 149 с.